



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

Fargna, Francesco de

Romæ, MDCCXVIII

Casus III. Argumentum. Consensus Episcopi, an requiratur in fundatione,
constructione, àut dotatione Cappellaniarum merè Laicalium, necnon
Hospitalis, àut Collegii ad effectum acquirendi in eis ...

[urn:nbn:de:hbz:466:1-72203](#)

docent Card. de Luc. de jurepat. disc. 55. num. 10. Adden. ad Buratt. decif. 1. nu. 26. Rot. in Aquen. jurispatronatus 7. Novembris 1601. coram Cardinali Lancellotto impress. apud Marchesan. de commiss. par. 1. pag. 454. contrarium tamen tuetur Salgad. labyrinth. Credit. tom. 4. de libert. Benefic. & Capell. recip. art. 13. inter cætera motus ea ratione, quia non obstantibus præsentationibus, & institutionibus factis potest Episcopus quandocumque agere de libertate beneficii; Si autem ex admissione præsentationum, & ex institutionibus tacitè induceretur supradictus consensus; non posse Episcopus, de hac libertate amplius agere; igitur ex illis tacitè non inducitur dictus consensus. Nec acquiritur proprietas jurispatronatus, quamvis acquiratur quasi possessio præsentandi; concludit tamen præfatos Doctores esse intelligendos quando admissionem præsentationum præcessit plena causæ cognitio super ipsa jurispatronatus existentia.

6 In ordine ad tertium, indubitata est Doctorum opinio, quod Episcopus compelli possit ad consentendum si sine justa causa nolit consentire tum per Archiepiscopum, tum per Pontificem, Abb. cons. 59. num. 3. Lambertin. de jurepat. lib. 1. par. 1. quæst. 2. art. 16. & seq. Amofaz. de Caus. piis lib. 5. cap. 5. n. 39.

7 Denique ad quartum respondeo; quod Abbas, & quilibet alius Prælatus inferior potest præstare hujusmodi consensum, & vigore illius acquirere Juspatronatus in Ecclesia, dummodo habeat Jurisdictionem Episcopalem, seu Dioecesanam. Abb. cons. 59. num. 3. §. Tertio principaliter, Lambertin. de jurepat. lib. 1. par. 1. q. 2. art. 14. Garz. de benef. par. 5. cap. 9. num. 71. Amofaz. de caus. piis lib. 5. cap. 5. num. 38. Tamburin. de Iur. Abbat. disp. 9. quæst. 2. 1. nu. 3. Rot. decif. 85. par. 2. divers.

8 Vicarius Generalis Episcopi potest præstare huiusmodi consensum, dummodo habeat ab Episcopo speciale mandatum, secus si habeat solum generale mandatum, quia præstare huiusmodi consensum est de majoribus, quæ non transeunt cum generali mandato, Calderin. de offic. Vicar. cons. 3. Garz. de benef. par. 5. cap. 9. num. 75. Vivian. de jurepat. par. 1. lib. 2. cap. 1. nu. 10. Gratian. discept. 303. num. 12. Amofaz. de

caus. piis lib. 5. cap. 5. num. 36. Card. de Luc. de jurepat. disc. 55. num. 5. At si Vicarius absque dicto speciali mandato erigeret beneficium cum reservatione Jurispatronatus; talis erection, & reservatio sustinetur, si Episcopus eam approbaret, & ratificaret. Rot. decif. 865. num. 3. & 4. coram Ubald.

9 Capitulum sede vacante potest præstare hujusmodi consensum, quia succedit Episcopò in jurisdictionalibus. Calderin. cons. 3. de jurepat. Garz. ubi supra num. 79. Vivian. ubi supra num. 15.

AR G U M E N T U M .

Consensus Episcopi an requiratur in fundatione, constructione, aut dotatione Cappellaniarum merè laicalium, necnon Hospitalis, aut Collegii ad effectum acquirendi in eis Juspatronatus, seu jus præsentandi?

S U M M A R I U M .

- 1 Dignitates in Cathedralibus an, & quando possint admittere, & acceptare fundationes Missarum, & Anniversariorum absque consensu Capituli; & num. 5.
- 2 Fundatio Cappellaniæ merè laicalis, seu legati Missarum adimplendi per Regularem in Ecclesia Sæculari absque bujus Rectoris consensu est nulla.
- 3 Ad effectum acquirendi Juspatronatus, seu jus nominandi in Cappellaniis, Hospitali, aut Collegio merè laicalibus non requiriatur consensus Episcopi.
- 4 In erectione Cappella, aut Oratorii an sint servanda solemnia præscripta in Can. Nullus, & Can. Nemo de consecrat. dist. 1. ad effectum, ut ibi celebrari possint Missæ?

C A S U S III.

O Rdinavit quidam pious Testator in ejus postremis tabulis celebrationem Missæ quotidiane, seu Cappellaniam merè laicalem cum onere Missarum in quadam Cappella erecta prope Ecclesiam Cathedralem de hujus dominio cum solo consensu Præpositi ejusdem Cathedralis, dissentiente irrationaliter tamen Capitulu

lo, reservavitque jus nominandi Cappellaniū favore suorum Consanguineorum irquisito penitus Episcopo; Quaritur an fundatio hujusmodi Cappellaniæ merè laicalis cum reservatione juris nominandi absque consensu Episcopi facta sustineatur.

Respondendum videtur negativè, non solum quia hæc fundatio Cappellaniæ, & reservatio juris nominandi Cappellanum fuit facta à Testatore absque consensu Episcopi vigore hujus *Canonis* omnino requisito; verùm etiam quia ipsa Cappellaniæ merè laicalis, seu legatum Missarum adimpleri non potest in præfata Cappella quoniam hæc erecta fuit absque solemnitatibus requisitis, & præscriptis in *Can. nullus*, & *Can. nemo de consecrat. distinct. i.* Et etiam quia fundatio ejusdem Cappellaniæ, seu legati Missarum fuit acceptata, & admissa à solo Præposito absque consensu Capituli; adeòque ipsa est nulla, quia cùm supradicta Cappella sit de dominio Cathedralis, seu Capituli, ad hoc spectat admissio fundationum Missarum, Anniversariorum, & exercitium omnium, & quorumcumque actuum resipientium Ecclesiæ regimen, & gubernium, & non poterat Præpositus absque copulativo assensu, & permissione ipsius Capituli ad actum acceptationis devenire, ad *Text. in cap. relatum de testam.*, & *cap. cum omnes de constit.* & *in cap. novit* & *cap. quanto de his quæ sunt à Prælat. sine consensu Capituli*, *Pignattell. consult. 49. nu. 2. tom. 6.* & *consult. 86. num. 3. tom. 9. Tondut. quæst. benef. tom. 1. cap. 1. num. 9.* & alii quos refert, & sequitur *Rot. in Gerundon. foundationum 24. Januar. 1701. §. Fundamentalis coram R.P.D. Lancetta.*

2 Eodem modo, quo esset nulla fundatio Cappellaniæ merè laicalis, seu legati Missarum adimplendi per Cappellanum Regularēm in Ecclesia Sæculari absque hujus Rectoris consensu, cùm ad effectum, ut Regularibus licitum sit in Ecclesia Sæculari celebrare, requiratur consensus Rectoris, prout è converso opus sit sacerularibus licentia superioris, ut valeant in Ecclesia Regularium celebrare. *Calderin. conf. 28. de regul. Barbos. in summ. Apostolic. decis. 474. num. 14.* & *decis. 634. nu. 8. Amofaz. de caus. pitt lib. 5. cap. 3. sub n. 46.* & *expresse Rot. in Majoricen. foundationis*

24. Novembbris 1704. §. Quidquid coram R.P.D. Omanna.

3 His tamen minimè attentis censeo fundationem præfatæ Cappellaniæ, & reservationem juris nominandi Cappellanum, favore Consanguineorum Testatoris absque consensu Ordinarii factam sustineri: siquidem licet hujusmodi consensus requiratur pro validitate reservationis Jurispatronatus Ecclesiarum, aut Beneficiorum Ecclesiasticorum, tamen non requiritur in reservatione Jurispatronatus Cappellaniarum mere laicalium, aut Hospitalis, aut Collegii laicalis; Sed Fundatores fundare, & reservare possunt jus nominandi Cappellanum ad Cappellaniam merè laicalem, aut Puellas ad dores, aut Ministros in Hospitali laicali, aut Rectorem adolescentes, & Juvenes in Collegio pariter laicali, irquisito penitus Episcopo; quia præsens *Canon* loquitur solum de Ecclesiis, & beneficiis Ecclesiasticis; nec extendi debet ad similes Cappellanias, Hospitalia, & Collegia mere laicalia; cùm in his cesse illius ratio in *Commentario superius relata*, ut docent *Lambertin. de jurepat. lib. 1. par. 1. quæst. 11. art. 11.* & *14. Card. de Luc. eodem tract. disc. 55. num. 7. Pignattell. consult. 139. num. 2. tom. 10. Adden. ad Buratt. decis. 1. num. 22.*

4 Non obstat, quod in erectione Cappellæ, ubi demandata fuit fundatio dictæ Capellaniæ, seu celebratio Missarum non fuerint servata solemnia præscripta in *Can. Nullus*, & in *Can. Nemo ubi supra*, quia requisita per dictos Canones spectant ad formalitatem consecrationis Ecclesiæ; quæ non est necessaria pro celebratione Missæ in his parvis Cappellis, & Oratoriis, quæ satis est, quod sint Divino Cultui dicata, & Episcopi auctoritate consuetis Ecclesiæ precibus, & per solam Aquæ Sacré asperzionem benedicta juxta *Azor. inst. moral. lib. 10. cap. 26. §. 14. Barbos. de jur. Eccles. univers. lib. 2. cap. 2. num. 28. Pasqualig. de Sacrific. quæst. 511. nu. 1.* & similī objecto his præcisis terminis responderet *Rot. in Tuden. Cappelle 23. Januar. 1705. §. Basis coram Eminentissimo Scotto.*

5 Minusque adversatur, quod fundatio ejusdem Cappellaniæ fuerit admissa, & acceptata à solo Præposito dissentiente Capitulo; quia cùm dissensus iste Capituli

tuli fuerit irrationabilis, & cùm agatur de fundatione Cappellaniæ, per quam absque ullo præjudicio Mensæ Capitularis, augetur Divinus Cultus, Animarumque solatium lictum erat Præposito, & cuius alteri Dignitati Cathedralis illum admittere, & acceptare, ut ad limitatio nem Textus in cap. cum accessissent de const. tradunt Felin. in dicto cap. num. 16. in fin. Abb. in cap. cum olim nu. 6. ibique Imol. num. 4. Butr. num. 8. de consuetud. & resolutum fuit à Sac. Congregatione Concilii in Sabinen. Archidiaconatus 2. Junii 1696. quam resolutionem refert, & sequitur Rot. in Gerunden. fundationum 24. Januar. 1701. §. Non attenta, & §. Quoniam coram R.P.D. Lancetta.

ARGUMENTUM.

Consensus Ordinarii requisitus in erectione Beneficii in Ecclesia Titulari cum reservatione Jurispatronatus, an sit præstandus per Cardinalem Titularem, vel potius per Cardinalem Vicarium Urbis?

SUMMARIUM.

- 1 Cardinalis Vicarius Urbis habet plenariam jurisdictionem Episcopalem in Diœcese Romana.
- 2 Juspræstandi consensum in reservatione jurispatronatus, necnon jus instituendi, & conferendi beneficia, an spectare possit alteri, qui non habeat jurisdictionem Episcopalem cum Territorio separato? & nu. 20.
- 3 Cardinalis Urbis Vicarius habet jus cognoscendi causas subditorum titulis Cardinalium.
- 4 Refertur resolutio Gregorii XIII. Quomodo autem procedat? Vide n. 24.
- 5 In uno corpore monstruosum est esse plura capita.
- 6 Juspræstandi consensum in reservatione jurispatronatus, nec non instituendi, & conferendi beneficia erecta in Ecclesiis titularibus spectat ad Cardinales Titulares cumulativè, cum Emo Vicario Urbis, & nu. 8.
- 8 Cardinalis in eorum Titulis habent jurisdictionem Episcopalem.

- 9 Jurisdictione concessa alicui absolute, & simpliciter intelligitur concessa accumulativè, & non privativè ad Episcopum.
- 10 Visitatio, & excommunicatio possunt esse apud plures in solidum.
- 11 Actus jurisdictionales Episcopales competere possunt alteri accumulativè cum Episcopo.
- 12 Jus instituendi, & conferendi beneficia in eadem Diœcese competere potest alteri cumulativè cum Episcopo.
- 13 Refertur constitutio Sixti V. incipien. Religiosa la 55.
- 14 Referuntur verba diplomatis titulorum. S.R.E. Cardinalium.
- 15 Ei, cui commissum est regimen, merum, & mixtum Imperium tributum esse censetur.
- 16 Verbum plenariè omnem jurisdictionem comprehendit.
- 17 Juspræstandi consensum in reservatione jurispatronatus, necnon instituendi, & conferendi beneficia est quid annexum jurisdictioni Episcopali.
- 18 Cardinalibus competunt plures actus jurisdictionales, & præminentiales in Ecclesiis titularibus.
- 19 Cardinalibus quare competere debet jus præstandi consensum in reservatione jurispatronatus, necnon jus instituendi, & conferendi beneficia in Ecclesiis Titularibus.
- 21 Ad hoc, ut quis ex non usu, & ex usu alterius datur exclusus à juribus Episcopibus, quid requiritur?
- 22 Cardinales, ubi agitur de auferendo jus eis concessum intuitu Cardinalitiae dignitatis numquam comprehenduntur sub quacumque generali dispositione, nisi de eis fiat specialis mentio.
- 23 Jura præstandi consensum in reservatione jurispatronatus, necnon instituendi, & conferendi beneficia non fuerunt concessa Episcopis à Concilio Tridentino.
- 25 Non est monstruosum in una, eademque Diœcese dare apud unam personam jurisdictionem universalem in tota Diœcese, & apud aliam personam jurisdictionem particularem in certis Ecclesiis Diœcessis.

CASUS IV.

F Undante Titio beneficium in Ecclesia Titulari A cum reservatione Jurispatronatus